



孟蘭盆經疏新記標指鈔序
孟蘭盆經大雄氏應目連之請
而啓至孝之要道拔凶母之倒
懸蓋愛其親推施一切其功豈
不弘且偉歟故上古賢衲箋之
者世不少矣就中圭峯製疏以
解經靈芝作記以釋疏一經之

去旨大備無餘蘊矣然義趣深
遠文辭簡古讀者平未易曉於
是白譽上人別號單阿爲之訓
詁上人江州人脫白宗安游學
東關其爲人深志厭離不爲浮
累所侵也水其心雲其身居住
不常策進念佛爲西歸之計暇

則涉獵群書言有涉典故者亦
採其精華附每句下不敢加已
見編輯既成凡五卷題之曰孟
蘭盆經疏新記標指鈔探索微
隱而事實精當也流傳後世足
以便誦習豈不大補哉乃請余
書其首爲辭再三終不得已姑

據鄱見為之序

告

延寶辛酉抄春穀日頭陀如實

書於柏方堂下



孟蘭盆經疏新記標指鈔卷第一

湖北沙門單阿纂校

孟蘭盆經疏新記序

孟蘭盆會者佛祖通載十四右二曰道義禪師是年建金閣寺勅十節使助之以二稅七月始作孟蘭盆會于禁中設高祖太宗已下七聖位備饗舉建巨幡各以帝號標其上自太廟迎入內道場鏡吹鼓舞旌幢燭天是日立伏百僚於光順門迎拜道從自是歲以為常

○序者爾雅註疏四右二曰東西牆謂之序矣
同第一初疏曰序與緒音義同釋詁云敘緒
也言已註述之由敘陳此經之旨若爾之抽
緒耳矣資持記上一上八曰序有三訓隨義
以釋爾雅云東西牆謂之序如世牆序在堂
奧之外即喻序文冠一鈔之表此端序義也
二序即訓敘謂撰述始終十門例括三行條
流使一部文義歷然不混此即次序義也三
訓緒者如繅繭得緒則餘絲可理學者觀序
則諸篇可末此謂由序義也矣

錢塘沙門元照述

錢塘者史記評林六九廿日秦始皇東巡至
錢塘正義曰錢塘今杭州縣矣大明一統志
三十八之右曰錢塘者曹華信議立此塘以
防海水募有能致土石一斛與千錢旬月之
間塘遂成因號錢塘矣前漢書評林地理志
八上八右五車韻瑞三十七之右○沙門者
註維摩經四十七曰我沙門釋子矣刊定記一
右曰沙門梵語此云勤息即釋象之通號謂
勤修諸行息煩惱故矣名義集一五右出○

元照者佛祖通載十九七四十曰錢塘靈芝寺
 律師元照字湛然餘杭唐氏子少依禪符東
 藏惠鑑師學毗尼及見神悟謙公講天台教
 觀博究群宗以律為本又從廣慈授菩薩戒
 戒光發現頓漸律儀罔不兼備南山一宗蔚
 然大振常披布伽梨杖錫持鉢乞食于市場
 無為贊之曰持鉢出持鉢歸佛言長在四威
 儀初入鄺時人不識虛空當有鬼神知四主
 郡席晚居靈芝三十年衆常數百掌言化當
 世莫若講說垂將來莫若著書撰資持濟錄

行宗應法住法報恩諸記十六觀小彌陀義
 疏及刪定律儀本芝園集若干卷自號安忍
 子命諷普賢行願品跏坐而化壽六十九夏
 五十有一矣○述者論語四初述而篇子曰
 述而不作信而好古註曰述傳舊而已作則
 創始也故作非聖人不能而已述則賢者可
 及矣

教是道門孝為行本既沉冥而乃至在斯文乎

教者資持記上一上左曰教者以詮表為功
 隨義為用矣名義集二二左十曰三教立名義

意各異且儒宗名教者元命包云教之為言
 勸也上行之下儆之此以下所法勸名教道
 家名教者老子云處無為之事行不言之教
 此寄教名而顯無為釋氏名教者四教義云
 說能詮理化轉物心故言教也矣○道者輔
 教編五之右二曰道者乃是神理作用之本原
 也矣名義集五劫曰肇師云道之極者稱之
 曰菩提如周易曰立人之道曰仁與義此則
 儒宗仁義為道莊子曰虛靜恬淡寂莫無為
 者天地之平而道德之至此則道家以虛無

為道今釋氏宗以何為道答曰般若經云諸
 佛從心得解脫心者清淨名無垢五道鮮潔
 不受色有解此者大道成是知吾教以心為
 道心乃自性清淨心也其體湛寂其性靈照
 無名無相絕有絕無心不能思口不能議褒
 美稱為第一義諦矣○門者首楞嚴經四下
 六曰雖獲本宅要因門入注門入修行也行
 能通理故云門也矣○孝者爾雅三之六曰
 善父母為孝矣首書孝經右曰子曰夫孝德
 之本也教之所由生也同註左曰蓋孝者五

常之本百行之源也矣輔教篇五卦曰夫孝也者大戒之所以先也戒也者衆善之所以生也爲善微戒善何生耶爲戒微孝戒何自耶故經曰使我疾成於無上正真之道者由孝德也註曰睽子經佛自說於過去世曾爲睽子孝養其盲父母於山中修道偶爲迦夷國王遊獵悞射既死復生皆是孝順感天帝釋等救護及結其經即推其孝事云致使我今得疾速成此無上正真佛道者良由往世所積孝順之德也矣梵經古迹下本之十六經

曰孝順父母師長三寶孝順至道之法孝名爲戒矣○爲者首書筆削記一四左曰爲是也矣○沉冥者首楞嚴經四下左六曰引諸沉冥出於苦海矣注沉謂久淪生死冥謂永覆無明矣○忘逸者首經四上五左曰雖佛發明猶不能忘矣○惻隱者孟子三十九右曰有怵惕惻隱之心矣註惻傷之切也隱痛之深也矣○流慈者首經四上左三曰唯願如來宜流大慈闍我迷雲矣○與者爾雅註疏二左初曰與者起也矣○至教者首書發微錄中左七

曰至教者佛教至極之談也矣○且夫者助語辭左六曰且夫者從寬遠說來也矣○所以者傳通玄記一左三曰所以者道理義也矣○此蓋者助語辭左六曰以木凡而言矣○名教者小經義疏左二曰大覺世尊一代名教大小雖殊不出教理行果因教顯理依理起行由行克果四法收之鮮無不盡矣○發起者刊定記二左二曰發起者則以事相表示發起正宗法義也矣○本端者禮記集註九左二曰禮義也者人之大端矣○講學者後漢書

三左九曰孔子曰學不講者而吾憂也說文云講和解論義矣○討論者論語七左五曰世叔討論註討尋究也論講也矣○叔世者五車韻瑞九十六左十五曰劉峻論叔世民訛徂詐颺起矣○正教者唯識述記一本左四曰聖者正也心與境冥智與神會名之為聖此所說教名為聖教矣○支離者註文選十一左三十曰支離分趣註善曰支離者分散也矣註莊子二十三○師承者五車韻瑞四十三右二曰松窓詩詒作文為詩可無師承乎○狂簡

者論語大全五七三左十曰子在陳曰歸與吾黨
之小子在簡斐然成章不知所以裁之矣註
狂簡志大而略於事也矣○唇吻者五車韻
瑞六十六初曰前東方朔傳曰吳樊仙頗能
弄唇吻實無辨論之才矣祖庭事死一左四曰
當作唇唇音真驚也非義吻武粉切矣○銘
利者五車韻瑞五十右曰思廉切商次清音
說文布屬从金胡省聲又利也矣○記問者
禮記集註十七十四右曰記問之學不足以爲
人師註記者得諸言非得諸心問者得諸人

而非諸得已矣○私者五車韻瑞七十八曰
非公曰私矣游詩者周易集註十九十三曰
誣善之人其辭游矣資持記上一上十七曰
閑綬非要謂之游詞矣○俗典者爾雅註疏
二二十右曰典經也疏鄭註云典常也經也法
也王謂之禮經矣○修身者中庸二十右曰君
子不可以不脩身思修身不可以不事親思
事親不可以不知人矣○逐利者五車韻瑞
八十九六左曰前食貨志不軌逐利之民矣○
辜負者爾雅註疏一十四右曰辜辜也罪也矣

大部補注三右三曰釋籤云辜者辜罪也負背恩忘德也矣○生成者首書發微錄天十二石曰列子云無形而有形生故云生成矣列子天瑞篇上一左六曰夫有形者生於無形則天地安從生矣○背違天地者周易集註二十六左曰乾天也故稱乎父坤地也故稱乎母矣○傳授者弘文一四右曰傳謂傳授亦曰傳受受彼所傳故云之也矣○撰述者資持記上一上左九曰撰述者通而為言撰亦是述今既兩標故須別釋撰謂操觚梁翰詮次

成章述謂謙已推他相循舊轍矣○互有瑕疵者五車韻瑞六八右曰左傳予取予求不爾瑕疵矣資持記上四四右曰玉病曰瑕介病曰疵矣○操觚者註文選十七五右曰張士衡文賦曰操觚而卒介也註觚本簡也矣○文義者大部補注七右八曰瑜伽八十諸契經體略有二種一文二義文是所依義是能依又十住品云文隨義義隨文文義相隨理無差別方為真教矣○簡要者註文選五十八二左曰王戎簡要存於茲注今日清而能通

簡而能要矣。篇海類編九二十四曰：簡者要也。矣。○宗途者，圓覺經疏鈔七九曰：宗途者，宗旨途轍也。就佛則權實有異矣。○至當者，五車韻瑞百十四二十四曰：孝經序至當歸一矣。○歸一者，首書筆削記一二十曰：往而卻還曰歸矣。○庶幾者，爾雅註疏二三曰：庶幾尚也。疏尚謂心所希望也。詩曰：不尚息焉者，小雅菀柳篇文也。鄭箋云：尚庶幾也。以心所念尚，即是庶幾義相反覆故引之矣。○造道者，篇海類編十八三十七曰：造者至也矣。○四海

爾雅註疏六十一曰：九夷八狄七戎六蠻謂之四海。註九夷在東，八狄在北，七戎在西，六蠻在南矣。史記評林一三十一○無朝夕者，輔教篇五十四曰：佛言孝順至道之法，儒曰夫孝置之而塞乎天地，溥之而橫乎四海，施諸四海而無朝夕，註謂施此孝道於後世而無一朝夕而不可行也矣。○不在斯文者，論語五左曰：文王既沒，文不在斯乎。註道之顯者謂之文矣。

孟蘭盆經疏并序

并序者萃嚴原人論解上左四曰解并序者并者兼及之義序由也引也引後正文為由緒故以論并序作自一人故不別序題立但附論題之下而以并序及小書別之矣

新記曰解釋經題疏文自備今乃至注以示之

解釋者大智度論六十五左三曰解釋者如囊中寶物繫口則人不知若人為解經卷囊解釋義理以因緣譬喻解釋本末令易解也矣○料簡者袒庭事苑七左五曰料揀者料量也揀與柬同分別揀之矣○華梵者華者春

秋左氏傳十四左三右襄四年曰諸華必殺註諸華中國矣同左傳四左初曰諸夏親暱註曰諸夏中國矣夏者大也言有禮儀之大者文章之華也○梵者西域記二左五曰四十七言辭調和雅與天音同氣韻清亮為人輒則其名義集一初曰却初廓然光音天神降為人祖宣流梵音矣○生善不翻者名義集一左五曰唐華法師明五種不翻一秘密故不翻陀羅尼是二多含故不翻如薄伽梵含六義故三此無故不翻如閻浮樹口順古故不翻

如阿耨菩提實不翻之但摩騰已來存梵音
故五生善故不翻之如般若尊重智慧輕淺
今入生敬是故不翻矣○四立題者大明三
藏法數二十八二石曰七種立題者隨天台
智者大師謂一大藏經題不出人法譬三者
而已因以單復具足不同逆立爲七種也一
單人立題單人者如佛說阿彌陀等經是也
謂釋迦佛爲能說之人阿彌陀佛爲所說人
此經以兩土果人立名故立云單人立題二
單法立題單法者如大般涅槃等經是也謂

大般涅槃以法立名故云單法立題三單譬
立題譬者比喻之義如梵網等經是也謂梵
網以譬喻立名故云單譬立題四人法立題
人法者如文殊問般若等經是也謂文殊是
人般若法是法以二者合言故云人法立題五
法譬立題法譬者如妙法蓮華等經是也謂
妙法是法蓮華是譬以二者合言故云法譬
立題六人譬立題人譬者如如來師子吼等
經是也謂如來是人師子是譬以二者合言
故云人譬立題七具足立題具足者如大方

廣佛華嚴等經是也謂大方廣是法佛是人
華嚴是譬也以三者具足故云具足立題也
矣○倒懸者孟子三左今孫丑章曰當今之
時萬乘之國行仁政民之悅之猶解倒懸也
註倒懸論困苦也矣○玄應法師者唐高僧
傳四十之十四曰京師沙門多應者以字學之
富阜素所推通造經音甚有科擿矣謂一切
經音義二十五卷撰○法師者華嚴經疏鈔
三十二之十六曰如來滅後流化不絕亦名法
師矣義楚六帖六之七○一往者金光明經玄

記上八曰未盡理故云一往矣○相傳宋三
藏云等者謂記主律師不敢信用故今不于
追尋○疏師訓疎者鬣頭筆削記一左四曰疏
疎也決也謂疎理法義首趣決擇文言章句
令悉通暢○從省者春秋左氏傳二十六之十二
左昭公三十年曰今大夫曰女嗑從舊舊有
豐有省不知所從從其豐則寡君幼弱是以
不共從其省則吉有此矣

疏曰充國沙門宗密述

新記曰充國沙門宗密述

縣邑者事物紀原七右曰周禮四甸為縣史
記本紀曰孝公十二年并諸小鄉聚為縣也
商君傳曰鞅令邑聚為縣則名縣之始自秦
孝公也陸法言切韻曰楚莊王滅陳以為縣
縣名自此始秦并天下以郡領縣隋文帝開
皇二年罷郡以縣領州也注說文曰天子百
縣縣四郡周禮小司徒之職方二十里之地
也矣○邑者春秋左氏傳三十七右莊公二十
八年曰凡邑有宗廟先君之主曰都無曰邑
邑曰築都曰城矣註周禮四縣為都四井為

邑然宗廟所在則雖邑曰都尊之也言凡邑
則他築非例矣同左傳十二初○漢時巴子
國者前漢時也前漢書評林地里志八上十
左曰巴郡充國注秦置屬益州應邵曰左氏
巴子便韓服告楚矣○後漢靈帝者後漢書
八初曰孝靈皇帝諱宏肅宗玄孫註謚法曰
亂而不損曰靈伏侯古今注曰宏之字曰大
矣○分為南充西充二縣者後漢書二十三
右曰巴郡譙周巴記曰初平六年趙顛分巴
為二郡漢以下為永寧郡建安六年劉縯分

巴以永寧爲巴東郡以墊江爲巴西郡充國
永元二年分閬中置巴記曰初平四年復分
爲南充國縣矣○晉書地理志者晉書地理
志四上三十四曰梁州按禹貢華陽黑水之地
變置十二牧則其一也梁者言西方金剛之
氣疆梁故因名焉周禮職方氏以梁并雍漢
不立州名以其地爲益州及獻帝初平六年
以臨江縣屬永寧郡建安六年劉璋改永寧
爲巴東郡分巴郡墊江置巴西郡梁州統郡
八縣三十八戶七萬六千三百巴西郡置蜀

統縣九戶一萬二千閬中西充國蒼溪岐嶺
南充國漢昌宕渠安漢平州矣謂按國史經
籍志三上右等晉書有數多今記主律師所
引之晉書唐太宗文皇帝御撰有一百三十
卷文如先矣○沛國魯國者後漢書二十五
曰沛國者註秦泗川郡高帝改雒陽東南千
二百里也魯國者註秦薛郡高后改本屬徐
州光武改屬豫州矣○標父母之邦者邦者
五車韻瑞五右曰說文國也周禮注大曰邦
小曰國矣○宗密者宋高僧傳六十三右曰釋

宗密姓何氏果州西充人也少通儒書元和
 二年偶謁遂州道圓禪師圓未與語密欣然
 而慕之乃從其削染受教未見上都華嚴觀
 觀曰毗盧華嚴能隨我遊者其唯汝會昌元
 年正月六日坐滅於興福塔院追謚曰定慧
 禪師塔號青蓮執弟子禮四衆數千萬人矣
 首書發微錄天左按法集序裴宗密乃至
 道俗歸依者如市得法者數百人著圓覺太
 小二疏華嚴金剛起信唯識四分法界觀皆
 有章句自是圓頓之教大行於世禪師以法

界為堂奧教典為庭宇慈悲為冠蓋衆生為
 園林終日讚述而未嘗以文字為念矣○平
 居者註文選五十二二八左曰博奕論平居不
 惰其業矣○終南山者前漢書二十八左評
 林曰終南惇物至于鳥鼠師古曰終南惇物
 二山皆在此功矣詩經集註五三七左曰終南
 何有註終南山名在今京兆府南矣首書發
 微錄天右曰自帝都南八千里外疊嶂千重
 危崖萬仞南垂遐遠極南海隅故曰終南矣
 ○山者爾雅註疏七初曰疏案釋名云山產

也言產生萬物說文云山宜也宜氣散萬物
矣○圭峰者說文六二左曰圭古圭切端玉
也上圜下方矣首書發微錄天柷曰圭峰者
此峯形勢狀如玉圭因以名焉○宣宗者十
八史略五九三左曰宣宗皇帝名怡憲宗子也
幼號不慧太中十三年上崩在位十四年矣
○追謚者白虎通一十三右曰謚者何也謚之
爲言引也引烈行之跡也所以進勸成德使
生務節也故禮特牲曰古者生無爵死無謚
此言生有爵死當有謚也死乃謚之何言不

行始終不能若一故據其終始從可知也
冠經曰死而謚之今也所以臨葬而謚之何
因衆會欲顯陽之也故春秋曰公之喪至自
乾危昭公死於晉乾侯之地數月歸至急當
求有謚矣○並載宋高僧傳者六三如前

疏曰始混沌塞乎天地乃至宗之其唯孝道矣
新記曰初句歎豎溪次四句乃至中故云孝道
該徧者首書筆削記一六十四曰徧義者謂橫
該十方十方窮之無有邊涯矣○三才者周
易集註十九之右曰易之爲書也廣大悉備

有_二天道焉有_二人道焉有_二地道焉兼_二三才而兩_一
之故六_六者非_二他也_一也三才之道也矣首發微
天_右文心彫龍曰仰觀吐耀_天俯察含章_地
高卑定位故曰兩儀既兩矣唯人參之性靈
所宗是謂_二三才矣_一○混沌者註莊子三_四三_左
曰中央之帝為混沌矣首書老子經上_五三_左
曰有物混成先_二天地生寂兮寥兮註曰有物
混成道也無極而太極也其生在_二天地之先_一
萬物之所由生也矣○元氣者列子上_一左
曰有_二太易有_二太初有_二太始有_二太素太易者未

見氣也太初者氣之始也太始者形之始也
太素者質之始也口義曰氣生形者未見氣
者無極而有極也矣○愚癡貴賤貧富苦樂
者論語六_{十八}顏淵篇曰死生有命富貴在
天矣名義集五_之右曰佛名經云行善者觸
筆輒軻行惡者是事諧偶致使世間愚人謂
之善惡不分如堯帝德化而值洪水湯王善
政而遭久亢閔損行孝以家貧顏回修仁而
壽夭遂謂貴賤自因致命愚智盡由_二天賦_一妍
醜本出自然貧富非是業感矣華嚴原人論

解上之十八曰愚謂諸情暗鈍智謂慧解高明
貴謂名位尊榮賤謂身職卑下貧謂資生闕
乏富謂財用豐饒苦謂逼迫心形樂謂諸根
適悅然愚智約性貴賤約位貧富約資苦樂
約受亦應言吉凶壽夭妍媸病健等觸類可
推矣○天命者中庸初曰天命之謂性矣註
命猶令也矣孟子十三右盡心篇曰孟子曰
莫非命也順受其正矣註吉凶禍福皆天所
命然惟莫之致而至者乃為正命矣○死生
者孔子家語六左曰化於陰陽象形而發謂

之生化窮數盡謂之死故命者性之始也死
者生之終也有始則必有終矣○變化者周
易集註一右曰乾道變化各正性命保合太
和乃利貞註變者化之漸化者變成矣列子
上一右曰易即變也變即化也矣○丁氣者
易鈎命訣云天地未分之前謂之丁氣矣華
嚴經疏鈔八之十九同玄談九五右引之矣圓
覺經疏鈔一左曰未分陰陽之二故云一也
矣○虛無者註莊子五右曰虛無無為萬物
本矣老子口義上右曰道可道非常道矣蓋

以爲道本不容言終涉有言皆是第二義同
之十一曰道冲而用之或不盈淵字似萬物之
宗註冲虛也道體雖虛而用之不窮或盈或不
盈隨時不定也矣首書發微錄天一右曰
道虛也無也非有也非物也矣○大道者老
子口義上五卦曰有物混成先天地生獨立
不改周行而不殆可以爲天下母吾不知其
名字之曰道強爲之名曰大矣○生成養育
者萃巖原人論解上之十七曰彼疏云始之爲
生養之爲畜令增長曰長字撫爲育輔相曰
成遂終曰熟資給曰養蔭庇曰覆上之八字
皆道德功用之謂也矣五車韻瑞七十六左
曰生養者禮論父能生之不能養之母能養
之不能教訓之矣○道法自然者老子口義
下之十七曰道之尊德之貴夫莫之命而常自
然矣○自然者原人論解上之十七曰自然者
妙本之性性非造作故曰自然道者妙本之
用道與自然體用之稱非謂道法効於自然
也矣釋籖二一四葉曰言自然卽任運異名
矣首書發微天一右曰以太道無所從來名

為自然矣○道生一者老子經下八曰道生
 一一生二二生三三生萬物註一太極也二
 天地也三三才也言皆自無而生道者無物
 之始自然之理也三極既立而後萬物生焉
 ○萬物歸根者老子經上五右曰夫物芸芸
 各歸其根歸根曰靜靜曰復命復命曰常知
 常曰明註各歸其根既歸根則是動動極而
 靜之時此是本然之理於是始復故曰復命
 矣禮記集註十一三右曰魂氣歸于天形魄
 歸于地矣○且者首經上二右四長水師云

且者權宜之辭也矣○小乘者首書筆削記
 一八左曰運小根至小果故曰小乘矣○象
 生者華嚴行願品疏鈔一右六不增不減經曰
 法身流轉五道名曰象生矣宗鏡錄十二右
 ○三毒者大乘義章五本右曰三根三道三
 毒煩惱義第一釋名言三根者謂貪瞋癡染
 境名貪念怒曰瞋闇惑名癡此三乃是思前
 煩惱發生思業故名為根言三道者所謂貪
 瞋及與邪見貪瞋同前言邪見者謬執乖理
 目之為邪邪心推求說之為見以何義故三

新言本指錄卷一

世六

新語林抄卷一
二十
根中，第一、二名癡，此三道中說名邪見。成實釋言癡中，增上說名邪見。暢思煩惱通暢前思，故名道。三毒者名三根，以何義故不同？三道乃同三根三根之中，癡名是實，故此同之。三道之中，邪見義狡，故此不同。然此三毒通攝三畏，一切煩惱，一切煩惱能害眾生，其猶毒蛇，亦如毒龍，是故就喻說名爲毒。名義如是。法界次第上，劫三藏法數十二，三釋要鈔一。二劫大論三十四，七出。○三業者三藏法數十一，二劫曰：一身業身業，即所作之業也。有

善有惡者，殺生偷盜邪淫，即身惡業也。若不殺不盜不姦，即身善業也。二語業，即口所說之業也。有善有惡者，妄言綺語惡口兩舌，即口惡業也。若不安言不綺語不惡口不兩舌，即口善業也。三意業，即意所起之業也。有善有惡者，貪欲瞋恚邪見，即意惡業也。若不貪欲不瞋恚不邪見，即意善業也。矣。圓覺疏抄一、二、右。○哭器鬼者三藏法數十二，二、右。曰：世鬼如器名器世間矣。○二十劫者俱舍頌疏十二，左。曰：謂從十歲增，至八萬歲減，至十歲

第二十劫唯增無減從十歲增至八萬名第
二十劫一切劫增無過八萬歲却減唯極十
年等○却者本業瓔珞經下左曰譬如一里
二里乃至十里石方廣亦然以天衣重三銖
人中日月歲數三年一拂此石乃盡名一小
劫若一里二里乃至四十里亦各小劫又八
十里石方廣亦然以梵天衣重三銖即梵天
中百寶光明珠為日月歲數三年一拂此石
乃盡名一中劫又八百里石方廣亦然以淨
居天衣重三銖即淨居天千寶光明鏡為日

月歲數三年一拂此石乃盡故名一大阿僧
祇劫矣大論五五曰四十里大城滿中芥
子不槃令平有長壽人百歲過一來取一芥
子芥子盡劫故不盡也矣○世叟者首楞嚴
經四下之左曰世為遷流叟為方位矣○俱
舍頌曰者原人論引之○金剛不能壞者俱
舍頌疏十一左曰諸有情業增上力先於最
下依止虛空有風輪生其量廣無數厚十六
億踰繕那如是風輪其體堅密假令有一大
諾健那此云露形神也以金剛輪奮威懸擊金剛有

碎風輪無損又諸有情業增上力起大雲雨
澍風輪上滯如車軸積水成輪於未凝結位
深十十億二萬踰繕那矣○光音者四卷楞
伽經四六十曰光音夫三災不壞復為後却
生成之始矣妙文句二之一六十曰却初大水
風吹結構以成世界光音夫命盡化生為入
身有光飛而行歡喜為食矣弘史四二二右
曰光音者且寄火後火災但壞初禪也矣圓
覺經大疏中四右二○金藏雲者法苑珠林七
左四曰依起世經云於世間中有四種雲一白

二黑三赤四黃此四雲中若白色雲者多在
地界若黑色雲者多在水界若赤色雲者多
在火界若黃色雲者多在風界長阿含云却
初時有雲得至光音夫矣○三千界者三界
義去四曰此有大小乘義且依俱舍者千四大
州并千須彌千日月千六欲夫及千梵世名
一一小千世界名一一中千界以千中千界名一
大千界名也故頌云四大州日月蘇迷盧欲
天梵世各一千名一千名一一小千界此小千
倍名一一中千此千倍大千皆同一一或壞文問

爾者若以千四大州乃至千梵世名一三千
界等者二靜慮已上非三千界所攝耶答今
小乘意以梵世為三千界有頂故二靜慮以
上云非三千界攝也問若二禪已上非三千
界所攝者何樓炭經文云以千四大州乃至
四無色為小千界耶答以梵世已下為三千
界者是小乘一義也樓炭經等隨機說故不
須和會也矣具如下○兩如車軸者四教集
解下二十右曰車軸之兩兩大也矣○梵王界
者名義集二七左曰淨名疏曰梵是西音此云

離欲或云淨行娑婆世界主住初禪中間即
中間禪也矣楞嚴九上初俱舍頌疏世間品
一右三○乃至者發微錄六右十曰乃至者中間
隔越之辭也矣○清昇天者列子上一左曰
清輕者上為天矣事物紀原一初○風波清
水者首書發微錄下十四有風鼓清水往而
可考也○須彌者名義集三十六曰西域記
云唐言妙高舊曰須彌四寶合成在大海中
據金輪上日月之所迴泊諸天之所遊舍四
面各有一色東黃金南瑠璃西白銀北頽梨

矣俱舍惠暉六二十四右曰妙高者四寶為財名
妙出群峯之上為高矣○七金者俱舍頌疏
十一左二曰踰健達羅此云持雙山頂有二雙
跡山能持故故以名焉伊沙駝羅山此云持
軸山峯上攀猶如車軸山能持故也竭地洛
迦山竭地洛迦西國樹名此國南方亦有此
樹名檜木山山上寶樹其形似彼故以名也
蘇達梨舍那此云善見見者稱善頰濕縛羯
拏此云馬耳山形似彼也毘鄰怛迦山此云
象鼻山形似彼尼民達羅山此是魚名其魚

嘴尖山形似彼矣○山地者俱舍頌疏十一
左曰復由業力引起別風簡別寶等攝令聚
集成山成州分水并鹹令別成立內海外海
如是九山住金輪上入水量皆等八萬踰繕
那蘓迷廬山出水亦爾餘八出水半半漸旱
謂初持雙山出水四萬乃至最後鐵輪圍山
出水三百一十二半如是九山一廣量各
各自與水量同矣○四州者同頌疏十一左四
曰論云於外海中太洲有四謂於四面對妙
高山南瞻部洲北廣南陝三邊量等其地如

軍南邊唯廣三踰繕那半三邊各有二千踰
 繕那解云此車者是西國車彼國車形前陝
 後闊如八面也又論云唯此洲中有金剛座
 上窮地際下據金輪一切菩薩將登正覺皆
 坐此座上起金剛喻定以無餘依及餘處所
 有堅固力能持此故解云以無餘依者除菩
 薩身外更無餘依身起此定也無餘處者除
 金剛座外無餘處所也此定力大餘依餘處
 無士固力可能持故東勝身洲東陝西廣三
 邊量等形如半月東三百五十三邊各二千

西牛貨洲圓如滿月徑二千五百周圓七千
 半北俱盧洲形如方座四邊量等面各二千
 等言為明無少增減隨其洲人面亦然矣名
 義集三左八○泥犁者名義集二五右十曰文句
 云地缺此方名梵泥犁秦言無有無有喜樂
 無氣無歡無利故云無有矣○鹹海者原人
 論解中六十曰言鹹海者即四洲所依之海其
 水味鹹揀七金山間香海故矣俱舍頌疏十
 一左曰第八名外鹹海盈滿量廣三億二萬
 二千矣○外輪圍者原人論解中六十曰外輪

圍者即鐵圍山在鹹海外矣○儒謂濁考為地者列子上一八曰清輕者上為天濁重者下為地矣爾雅註疏六初○一增減者佛祖統紀三十一四曰從人壽十歲增至八萬四千歲也從八萬四千歲至十歲是名一增一減劫矣○槃古者事物紀原一初曰三五曆紀曰天地渾混如雞子盤古生其中萬八千歲天地開闢陽清為天陰濁為地盤古在其中一曰九變神於天聖於地天日高一丈地日深一丈盤古曰長一丈如萬八千歲天極

高地極深盤古極長後乃有有三皇此天地人之始也歷年紀曰盤古死後左目為月右目為日又云盤古之君龍首蛇身嗟為風雨盤古吹為雷電盤古開目為晝閉目為夜骨節為山林腸為江海毛髮為草木等矣○初食地餅林藤後等者佛祖統紀三十一左三曰光音諸天復有來生梵世者為梵眾天漸漸下生六欲諸天人趣以惡業力漸漸下生餓鬼旁生地獄後成先壞法爾如斯時光音諸天福盡來下化生為人或樂觀新地者光明

遠照飛行自在無有男女之相象共生故故名象生地涌甘泉味如酥蜜以指試掌遂生味著失其神通及以身光世間大闇黑風吹海漂出日月置須彌山腹照四天下時諸人輩見則喜入見則懼自茲之後乃有晝夜晦朔春秋歲數終而復始由耽地味顏色粗悴地味既隱乃生林藤復共耽食林藤復隱便生自然杭杭音庚稍不粘無有糠若會反糲備象美味此食稍粗殘穢在身為欲蠲除便有二道成男女根情慾多者便為女人宿習力故

便生媯欲夫妻共住尤音諸夫後來生者入母胎中遂有胎生是時先造瞻婆大城乃至一切城郭自然杭稍朝刈暮熟刈後隨生米長四寸時衆生并取二月糧乃至取五月糧漸生糠糲刈已不生衆懷憂惱各封田宅造作田種其後多有盜他由稍便相拳鬪無能文者議立一平等王賞善罰惡便有刀杖殺戮衆興供給號利帝利此云自後諸王以此時閻浮提天下富樂安隱八萬郡國人民聚落雞鳴相聞無有病患大寒大熱王行十善

正法治國人民愛敬壽極大久後王不行正法其壽漸減至八萬四千歲時身長八丈百
年命減一年身減一寸如是減至十歲身丈
一尺名爲減劫之極自是後百年增一年增
至八萬四千歲名增劫之極矣釋迦譜一
已下原入論解中之六三思義七右田主
者如前載統紀并釋迦譜又俱舍頌疏世間
品五右曰天食歡喜久住地味漸生時有一
人麤香取食餘人競取乃至劫偷過起始此
時爲欲遮防共聚評議會量衆內一有德人

各以所取六分之一在令防護封爲田主因
斯故立刹帝利名矣○臣佐等者禮記集註
九之左曰仕公曰臣仕家曰僕註臣者對君
之稱矣○種種者唯識述記一本八右曰種
種非一言也矣○孤山者謂智圓法師也孤
山智圓有兩師一是律師撰會正記者一是
天台撰今疏據華鈔者是也佛祖統紀十四
右曰法師智圓自號中庸子傳天台三觀
西胡撰述到撰據華鈔二卷○外敷
者名義集五五十一教論云救形之教稱爲

外濟神之典號為內矣○俗流者孟子十四
一右集註曰流俗者風俗頑靡如水下流矣
名義集五五右曰班固漢書明九流儒流
順陰陽陳教化述唐虞之政宗仲尼之道等
矣○四象者名義集五五右曰此丘比丘尼優
婆塞優婆夷矣○儒書者名義集五五右曰
范曄云碩德為儒楊雄云通天地人曰儒矣
○宗旨者首書筆削記一六右曰義中可尊
可重可崇尚者故名為宗歸向往詣故名為
趣如法華宗一乘涅槃宗佛性華嚴宗法苑

維摩宗不思議矣具如華嚴經太疏玄談八
初○一途方便者往生論註下四右曰正直
曰方外已曰便依正直故生憐愍一切衆生
心依外已故遠離供養恭敬自身心矣○有
情者唯識述記一本五右曰我有情識名曰
有情矣○孝經云者首書之九出○四時者
爾雅註疏五之左二曰春為青陽夏為朱明秋
為白藏冬為玄英疏白虎通云歲時何謂春
秋冬夏也時者期也陰陽消息之期也矣註
文選十七葉○區宇者首經九上二右曰包

陰區宇注區宇是寰區此如王所統有諸國
土故云區區別也皆下天所覆故云宇宇猶
覆也矣○生靈者首書發微錄天曰靈謂
含靈即有情正報也矣○人者南本涅槃經
十六九曰以多思故蓋能思量善惡異餘趣
矣事物紀原一左○鬼神者孔子家語四心
之曰夫生必死死必歸土此謂鬼魂氣歸天
此謂神矣爾雅註疏三十九曰鬼為言歸也
註尸子曰古者謂死人為歸人疏人死為鬼
矣○天修鬼獄等者初有天君親者法苑珠

林六左曰問曰諸夫僕乘云何答曰如經說
云欲鬼六天有僕乘僕謂僕從乘謂騎乘以
六欲天皆有君臣妻妾尊卑上下早必從尊
下必隨上乘者以六欲天皆有雜類畜生諸
天欲遊隨意乘之或乘象馬或乘孔雀等○
修羅有君親者法苑珠林九右曰依正法念
經云第一羅睺阿修羅王有四玉女從憶念
生一名如影二名諸香三名妙林四名勝德
即此四女一一皆有十二那由他侍女以為
眷屬悉皆圍繞阿修羅王并相娛樂恣情受

樂不可具說第一名勇健威勢眷屬倍數更
勝第三名華鬢威勢次勝第四名毗摩質多
威勢更不可稱計自餘臣妾左右僕使亦不
可說即知貴賤懸殊不可一槩而論矣○鬼
有君親者春秋左氏傳十一四廿日秋七月
秦桓公伐晉次于輔氏晉侯治兵于
稷以略狄土立黎侯而還及雒魏顆敗秦師
于輔氏獲杜回秦之力人也魏武子有嬖妾
無子武子疾命顆曰必嫁是疾病則曰必以
爲殉及卒顆嫁之曰疾病則亂吾從其治也

及輔氏之役顆見老人結草以元杜回杜回
躓而顛故獲之夜夢之曰余而所嫁婦人之
父也爾用先人之治命余是以報矣首書發
微錄天六三右曰晉命顆曰將軍明辰早戰我
樂鬼以助必令取勝顆問之曰君是何人而
能見助答曰我是將軍亡父嬖妾之父感將
軍不殺我女而改嫁之故樂鬼以相助鬼
役結草此謂也矣○獄有君親者新婆婆百
七十二日施設論說今時鬼世鬼王名琰魔
等○慈烏者如下○鸚鵡者雜寶藏經一七

目佛在王舍城告諸比丘言有二邪行如似
拍籩速隨地獄云何爲一者不供養父母
二者於父母所作諸不善有二正行如似拍
籩速生天上云何爲一者供養父母二者
於父母所作諸善行諸比丘言希有世尊如
來極能讚歎父母佛言非但今日於過去世
雪山之中有一鸚鵡父母都盲常取好華果
先奉父母爾時有一田主初種穀時而作願
言所種之穀要與衆生而共噉食時鸚鵡子
以彼田主先有施心卽常於田採取稻穀以
供父母是時田主案行苗稼見諸卑鳥掬穀
穗處瞋恚便設羅網捕得鸚鵡鸚鵡子
言田主先有好心施物無怙由是之故故我
敢來採取稍穀如何今者而見網捕且田者
如母種子如父實語如子田主如王護擁由
此作是語已田主歡喜問鸚鵡言汝取此穀
竟復爲誰鸚鵡答曰有盲父母願以奉之田
主答言自今已後常於此取勿復疑難佛言
鸚鵡樂多果種田者亦然爾時鸚鵡我身是
也爾時田主舍利弗是也爾時盲父淨飯太

王是也爾時母者摩耶是也矣○六趣者趣者法苑珠林七卅曰毗曇論云趣者名到亦名爲道謂彼善惡業因道能運到其生趣處故名爲趣矣五道與六道者開合異也具如大論三十叶○天子者前漢書評林二十五下之左曰平帝元始五年太司馬王莽奏言王者父事天故爵稱天子矣白虎通一初○諸侯者爾雅註疏一初曰天子諸侯南面之君異稱也矣○卿士者白虎通一左曰公卿大夫何爵盡也各量其職盡其才也公之爲

言公正無私也卿之爲言章善明理也大夫之爲言大扶進人者也故傳曰進賢達能謂之大夫也士者事也任事之稱也故傳曰通古今辨然否謂之士矣○五用雖別孝行不殊者首書孝經之右曰注唐玄宗云五孝之用則別而百行之源不殊自天子而下爲諸侯爲卿大夫爲士爲庶人凡五等也夫子既條陳五孝之用而具言孝道之極至則天子可以刑四海諸侯可以保社稷卿大夫可守宗廟士可以守祭祀庶人可以養父母矣○

宗本者首書筆削記二四曰所依曰宗能立萬法曰本矣○爾雅云者註疏三十六出

疏曰應孝子之懇誠救二親之苦厄乃至教也

昊天者爾雅註疏五十一曰穹蒼蒼天也註

天形穹隆其色蒼蒼因而名也春為蒼夫萬物蒼蒼然生夏為昊天

言氣秋為昊天是猶愍也愍也冬為上天言時

在上而隨釋名一初矣○正用禮記卷下下而已矣

新記曰應猶稱也孝子者乃至諸義故云唯也

孝子者禮記集註十九十七曰祭稱孝子孝

孫裝稱哀子哀孫矣○乳養者法苑林六千

三四曰中陰經佛問彌勒閻浮提兒生墮地

乃至三歲母之懷抱為飲幾乳彌勒答曰飲

乳一千八百解除母腹中所食四分東弗于

速兒生墮地乃至三歲飲乳一千八百解西

抱耶尼兒生隨地乃至三歲飲乳八百八十

解北鬱單越兒生隨地坐着陌頭行人嗽指

七月成人彼土無乳中陰衆生飲吹於風矣

疏曰宗本罪孽身年喪親乃至永懷風樹之恨

新記曰初二句叙幼歲喪親次一句示乃至恨

鬻者春秋左氏傳十一在曰鬻罪也矣○喪

亡者白虎通四二曰喪者何謂也喪者亡人死謂之喪言其亡不可復得見也不直言喪何為孝子心不忍言尚書曰武王既喪也終曰死矣○童稚者禮記作童子禮記集註十六右曰童子未成人矣大部輔注七八○禮記祭義云者集註二十二右曰春禘秋嘗霜露既降君子履之必有悽愴之心非其寒之謂也春雨露既濡君子履之必有怵惕之心如將見之樂以迎來哀以送往矣註鄭氏曰迎來而樂樂親將來也送去而哀哀

其事不可知也方氏曰於雨露言春則知霜露為秋矣霜露言非其寒則雨露為非其溫之謂矣雨露言如將見之則霜露為如將矣之矣蓋春夏所以迎其來秋冬所以送其往也矣○君子者註莊子十三右曰以仁為忍以義為理以禮為行以樂為利薰然慈仁謂之君子矣禮記集註一四右曰博聞強識而讓敦其行而不怠謂之君子矣○怵惕者孟子三右曰集註曰怵惕驚動貌矣○風樹恨者事文類聚後集三右曰孔子出行聞

有哭聲甚悲至則臯魚也破褐擁劍哭於路
左孔子下車而問其故對曰吾少好學周流
天下而吾親死一失也高尚其志不事庸君
而晚無成一失也少失交游寡於親友而老
無所託三失也夫樹欲靜而風不止子欲養
而親不待往而不可返者年也逝而不可追
者親也吾于是辭矣立哭而死于是孔子之
門人歸養親者一十三矣孔家語二曰曰孔
子適齊中路聞哭者之聲其音甚哀孔子謂
其僕曰此哭哀則哀矣然非喪者之哀矣驅

而前少進見有異人焉雍錄帶素哭者不表
孔子下車進而問曰子何人也對曰吾丘吾
子也曰子今非喪所美哭之悲也丘吾子曰
吾有三失晚而自覺悔之何及曰三失可得
聞子願子告吾不隱也丘吾子曰吾少時好
學周遍天下後還喪吾親是一失也長事齋
君驕奢失士臣節不遂是二失也吾平生厚
愛而今皆離絕是三失也夫樹欲靜而風不
停子欲養而不待往而不來者年也不可再
見者親也請從此辭遂投杖而死孔子曰小

子識之斯足為戒矣自是弟子辭歸養親者
十有三矣謂二篇有少異故今具引記之
楚國相者書言故事大全九十五曰相輔相也
取其主君事而輔君心也矣

疏曰竊以終身墳壘卒世乃至展孝思不資神

雖者華嚴經疏鈔三十四中五十四曰雖者縱
棄之辭言舍得失矣首書發微錄天三十一

新記曰初二字標能思之心竊以謂乃至冥路

卒世者禮記集註二三寸曰天子死曰崩諸
侯曰薨大夫曰卒士曰祿庶人曰死也矣

父母既喪負土為墳植柏成列者白虎通四
之五曰春秋舍文嘉曰天子墳高二尺樹以
松諸侯半之樹以柏大夫八尺樹以栗士四
尺樹以槐庶人無墳樹以楊柳矣○墳墓者
前漢書三十六之十八註師古曰墓謂墳也
墳謂積土也矣○封土者後漢書九之十五祭
祀下曰封者謂封土為壇柴祭告天代興成
功矣○壘者禮記集註一四寸曰適墓不登
壘註壘墳堆也登之為不敬矣通今記上九
鄭玄注曰壘冢也墓塋域儒之孝子父母既

卷頁土為墳植栢成列履墓三年以盡孝誠
矣○禮記祭有四時者禮記集註五二十曰
天子諸侯宗廟之祭春日禘夏日嘗
冬日烝鄭氏曰此蓋夏殷之祭各周則春日
祠夏日禘以禘為殷祭疏曰禘薄也春物未
成祭品鮮薄也禘者次第也夏時物雖未成
宜依時次第而祭之嘗者新穀熟而嘗也烝
者衆也冬時物成者衆也鄭疑為夏殷祭名
者以其與周不同其夏殷之祭又無文故稱
蓋以疑之矣爾雅註疏五二十左曰春祭曰祠

夏祭曰禘秋祭曰嘗冬祭曰烝祭天曰燔柴
矣後漢書九初祭礼下曰祭以四時春以正
月夏以四月秋以七月冬以十月及臘矣○
真路者止觀七三十右曰真路真途也矣

疏曰遂搜索聖賢之教慶乃至四事供養三尊
法門者釋論記一七研曰法所入法也門能
入門也矣

新記曰初二句叙尋經求法乃至並世所尊也
三藏者各義集四初曰一經藏二律藏三論
藏經藏則刊定因果窮究性相律藏則垂範

四儀嚴制三業論藏則研真顯正覈偽摧邪
同出一音異隨四悉用顯圓明之理式開解
脫之門致立三藏之教也矣四教集解中
華嚴大疏玄談三十一葉○律唯佛說者蒙潤
四教義集注上六十一日律唯佛制除佛已還
不許捕辟如禮樂征伐自天子出矣○仙者
名義集二十一右十日楞嚴云復有從人不依正
覺修三摩地別修妄念存想固形游於山林
人不及處有十種仙梵語茂近此云仙釋名
云老而不死曰仙仙遷也遷入山也莊子云

千歲厭世去而上遷矣○化人者釋摩訶衍
論一十九日我非畜生身或非外道衆而贊化
為生變化如是形世尊如鏡知矣法思次第
中右十日通言變化者能使無而歛有有而歛
無故名為變化矣○佛為極聖者轉教篇一
右十日聖謂佛聖者道也通也佛極大道得大
果得大通具一切種智冠一切聖人故謂之
聖矣○小則七賢四聖者七賢者一五停心
二別相念處三惣相念處四禪法五頂法六
八法七世第一法也四聖者一須陀洹二斯

院舍三阿那舍四阿羅漢也具如俱舍頌疏
二十二^七○大則三賢十聖者三賢者十住
十行十回向也十聖者一歡喜地二離苦地
三發光地四焰惠地五極難勝地六現前地
七遠行地八不動地九善慧地十法雲地也
具載三藏法數十一^初梵網發隱一^四等○
追薦者通今記上一^三右^十日薦助也矣○神方
者新記下九^左日神者謂神妙方者即是法
矣○妙行者楞嚴四^上右^五長水師云心言不
及故稱妙矣○四事者三藏法數十一^右十

日四事即房舍衣服飲食湯藥具如彼矣○
三尊即名三寶者法苑珠林五十五^左日表
供養三尊止三毒淨三業得值三尊矣

光賢寺



孟蘭盆經疏新記標指鈔卷一終

